

Hver kílóvattstund (kWh) er niðurgreidd um fasta upphæð, upp að ákveðinni hámarksnotkun. Til grundvallar þessu er lögð orkunotkun að hámarki 40000 kWh á ári samkvæmt lið C1 og 56000 samkvæmt lið A5, en er skipt hlutfallslega niður á reikningstímabilið. Þetta skal framkvæmt á eftirfarandi hátt:

Liður C 1 Rofin daghitun:

Niðurgreidd er orka sem er allt að 110 kWh á dag að jafnaði á notkunartímabilinu. Niðurgreiðsla nemur 0,63 kr. á kWh og sérstakur afsláttur að auki, 0,16 kr. á kWh.

Liður A 5 Markmæling:

Niðurgreidd er orka sem er allt að 153 kWh á dag að jafnaði á notkunartímabilinu. Niðurgreiðsla nemur 0,45 kr. á kWh og sérstakur afsláttur að auki, 0,11 kr. á kWh.

Ekki er sett hámark við niðurgreiðslur samkvæmt lið C2 næturhitun. Niðurgreiðsla nemur 0,38 kr. á kWh og sérstakur afsláttur að auki, 0,16 kr. á kWh.

Breyting þessi gildir frá og með 1. febrúar 1990.

Iðnaðarráðuneytið, 30. janúar 1990.

F. h. r.

Páll Flygenring.

Guðrún Skúladóttir.

SKIPULAGSSKRÁ

Ferðasjóðs Félags íslenskra barnalækna.

1. gr.

Sjóðurinn heitir Ferðasjóður íslenskra barnalækna.

Heimili sjóðsins og varnarþing er í Reykjavík.

2. gr.

Stofnendur sjóðsins eru læknarnir Víkingur H. Arnórsson, Hvassaleiti 75, Reykjavík, Guðmundur K. Jónmundsson, Dalsbyggð 4, Garðabæ og Gestur I. Pálsson, Ljárskógum 5, Reykjavík, allir starfandi á Barnaspítla Hringins, Landspítalanum.

Sjóðurinn er stofnaður í framhaldi af þingi Barnalæknasambands Norðurlanda (Nordisk Pædiatrisk Forening – NPF) sem haldið var í Reykjavík í júní 1988.

3. gr.

Tilgangur sjóðsins er að auðvelda íslenskum barnalæknum þátttöku í norrænu samstarfi með því að veita fulltrúum þeirra ferðastyrki til að sækja stjórnarfundir í NPF eða aðra fundir sem haldnir eru á vegum samtakanna í einhverju hinna Norðurlandanna til eflingar félagslegum og faglegum samskiptum norrænna barnalækna.

Vöxtum og öðrum tekjum sjóðsins skal varið til slíkra styrkveitinga. Upphæð styrkja miðast við að ferðakostnaði hvers einstaks þátttakanda sé haldið í lágmarki.

4. gr.

Stjórn sjóðsins skipa 3 menn. Fulltrúar Íslands í stjórn NPF, 4 að tölu, skulu velja 2 úr sínum hópi í stjórnina strax að loknu þingi NPF sem haldið er þriðja hvert ár.

Formaður Félags íslenskra barnalækna skal vera þriðji stjórnarmaður. Annar fulltrúanna úr stjórn NPF skal vera formaður sjóðsstjórnar. Hinir tveir skipta með sér störfum ritara og gjaldkera.

Stjórnarfundir skulu haldnir a.m.k. einu sinni á ári og skal til þeirra boðað af formanni. Stjórnin heldur fundargerðarbók um ákvarðanir sínar og samþykktir. Skulu fundargerðir undirritaðar af stjórnarmönnum í lok fundar.

5. gr.

Stofnfé sjóðsins er kr. 500 000,00 – fimm hundruð þúsund krónur – og má ekki skerða það.

6. gr.

Tekjur sjóðsins eru arður af stofnfé hans og frjáls framlög hverju nafni sem nefnist.

7. gr.

Fé sjóðsins skal ávaxta með bestu fánlegum kjörum hverju sinni en jafnframt gætt fyllsta öryggis varðandi ávöxtunarmáta. Lánastarfsemi með fjármuni sjóðsins er ekki heimil.

8. gr.

Stjórn sjóðsins ákveður um styrkveitingar og aðrar ráðstafanir sem gera þarf. Ræður einfaldur meirihluti atkvæða, sjá þó 10. gr.

9. gr.

Reikningsár sjóðsins er almanaksárið.

Reikningsskilum skal lokið fyrir 1. júlí næsta ár á eftir reikningsári. Reikningar skulu endurskoðaðir af löggiltum endurskoðanda. Senda skal stjórn Félags íslenskra barnalækna ljósrit af ársuppgjöri.

10. gr.

Skipulagsskrá þessari má breyta ef það telst nauðsynlegt eða heppilegt vegna breyttra aðstæðna. Slíkar breytingar skulu hljóta samþykki dómsmálaráðuneytis. Engin breyting á skipulagsskránni fær þó gildi nema stjórnin sé einhuga um hana.

Ekki má breyta ákvæðum 3. gr. um hlutverk sjóðsins né heldur ákvæðum 11. gr. um ráðstöfun á eignum við sjóðsslit.

11. gr.

Verði sjóðurinn lagður niður skulu eignir hans renna til Félags íslenskra barnalækna.

12. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 24. janúar 1990.

F. h. r.

Þorsteinn Geirsson.

Fanney Óskarsdóttir.